



# ՀԱՄՈՒ ՍԱԽՅԱՆ

## Անունդ տալիս

Հայաստա՛ն, անունդ տալիս,  
Ժայռի մեջ մի տուն եմ հիշում,  
Ալևոր կամուրջի հոնքին  
Ծիծեռի մի բույն եմ հիշում,  
Թեքված մի մատուռ եմ հիշում  
Եվ բերդի տեղահան մի դուռ,  
Ավերակ տաճարի մի վեմ  
Եվ բեկված մի սյուն եմ հիշում:

Հիշում եմ լքված մի թոնիր,  
Բերանին մամռոտած մի խուփ,  
Մամռոտած որմի խոռոչում  
Մասրենու վարսաթափ մի թուփ,  
Աշխարհի քարերին մաշված,  
Աշխարհից խոռված մի ցուպ,-  
Եվ հեռվում ինչ-որ ուշացած  
Ձիերի դոփյուն եմ հիշում:

Արևոտ մի սար եմ հիշում,  
Ճակատին ձյունի պատառիկ,  
Սարն ի վար բարակ մի առու-  
Շուրթերին հայրեն ու տաղիկ,  
Տորենի կանաչ արտի մեջ

Աովույտի կապույտ մի ծաղիկ  
Եվ արտի եգրին՝ մենավոր  
Մի բարդու շրշուն եմ հիշում: